

(a) *Cimon's talents; exploits of his first two generalships*

Tali modo Cimon celeriter ad principatum pervenit. Habebat enim satis eloquentiae, summam liberalitatem, magnam prudentiam cum iuris civilis tum rei militaris, quod cum patre a puero in exercitiis fuerat versatus. Itaque hic et populum urbanum in sua tenuit potestate et apud exercitum plurimum valuit auctoritate. Primum imperator apud flumen Strymona magnas copias Thraecum fugavit, oppidum Amphipolim constituit eoque decem milia Atheniensium in coloniam misit. Idem iterum imperator apud Mycalen Cypriorum et Phoenicum ducentarum navium classem devictam cepit eodemque die pari fortuna in terra usus est. Namque hostium navibus captis statim ex classe copias suas eduxit barbarorumque maximam vim uno concursu prostravit. Qua victoria magna praeda potius cum domum reverteretur, quod iam nonnullae insulae propter acerbitatem imperii defecerant, bene animatas confirmavit, alienatas ad officium redire coegit.

(NEPOS, *Cimon* 2)

Strymona = accusative case of Strymon

(b) *The aged Micon prepares to hand over his herd to Canthus*

Forte Micon senior Canthusque, Miconis alumnus,  
 torrentem patula vitabant illice solem,  
 cum iuveni senior praecepta daturus alumno  
 talia verba refert tremulis titubantia labris:  
 "Quas errare vides inter dumeta capellas  
 canaque lascivo concidere gramina morsu,  
 Canthe puer, quos ecce greges a monte remotos  
 cernis in aprico decerpere gramina campo,  
 his tibi do senior iuveni pater: ipse tuendos  
 accipe. Iam certe potes insudare labori,  
 iam pro me gnavam potes exercere iuventam.  
 Adspicis ut nobis aetas iam mille querellas  
 afferat et baculum premat inclinata senectus?  
 Sed qua lege regas et amantes lustra capellas  
 et melius pratis errantes mollibus agnas,  
 percipe."

(CALPURNIUS SICULUS 5.1-16)

patulus = spreading  
 titubo = tremble, stumble  
 dumetum = thicket  
 capella = (she-) goat  
 decerpere = crop, browse on  
 insudo = sweat at  
 baculum = staff, stick  
 lustrum = rough or wooded country

(c) *The Syracusans should agree on their choice between an alliance with Rome and an alliance with Carthage*

In hac turbatione rerum in contionem vocari placuit. Ubi cum alii alio tenderent nec procul seditione res esset, Apollonides principum unus orationem salutarem ut in tali tempore habuit: nec spem salutis nec perniciem propriam umquam civitati ulli fuisse. Si enim uno animo omnes vel ad Romanos vel ad Carthaginienses inclinent, nullius civitatis statum fortunatiorem ac beatiorum fore; si alii alio trahant res, non inter Poenos Romanosque bellum atrocius fore quam inter ipsos Syracusanos, cum intra eosdem muros pars utraque suos exercitibus, sua arma, suos habitura sit duces. Itaque, ut idem omnes sentiant, summa vi agendum esse. Ultra societas sit utilior, eam longe minorem ac levioris momenti consultationem esse; sed tamen Hieronymi potius quam Hieronymi auctoritatem sequendam in sociis legendis, vel quinquaginta annis feliciter expertam amicitiam nunc incognitae, quondam infideli praefendam.

(LIVY 24.28.1-6)

(d) *Briseis, in a letter to Achilles, describes her sorrow at being taken from him and handed over to the king*

Quam legis, a rapta Briseide littera venit,  
vix bene barbarica Graeca notata manu.  
Quascumque adspicias, lacrimae fecere litturas;  
sed tamen et lacrimae pondera vocis habent.  
Si mihi pauca queri de te dominoque viroque  
fas est, de domino pauca viroque querar.  
Non, ego poscenti quod sum cito tradita regi,  
culpa tua est – quamvis haec quoque culpa tua est;  
nam simul Eurybates me Talthybiusque vocarunt,  
Eurybati data sum Talthybioque comes.  
Alter in alterius iactantes lumina vultum  
quaerebant taciti, noster ubi esset amor.  
At lacrimas sine fine dedi rupique capillos –  
infelix iterum sum mihi visa capi!  
Saepe ego decepto volui custode reverti,  
sed, me qui timidam prenderet, hostis erat.  
Si progressa forem, caperer ne nocte timebam,  
quamlibet ad Priami munus itura nurum.

(OVID, *Heroides* 3.1-12, 15-20)

litura = blot, smudge  
nurus = daughter-in-law

Candi  
asc  
the  
pa]